

寫本『弔』誤作『予』。『譬陶匏異器』、寫本『器』作『品』。以上諸則、或爲誤字，或字義可通，今悉錄之，以備參考。

(八) 陰陽雜書校記 圖版五、圖8.

此殘紙出吐魯番雅爾湖舊城中，用舊公文紙兩面寫。正面起『人相』訖『不可』。共七行。右邊有朱印殘迹，蓋原在公文紙上所印者。背面爲八行，起『在甲』訖『命在』。文字有添改。正面所寫，例如『太陰日生子，壽年九十』，太陽日生壽年一百廿，生下少一『子』字。尙未查出原書，疑爲祿命書遺文。

背面所寫有塗改添補之迹頗多。內云：『絕命在西方，生氣在南方，着赤衣，臥宜頭向南着、大吉。……』亦未查出原書，疑爲宅經遺文。論安床吉凶，所謂絕命、生氣、懸戶皆陰陽家術語。隋唐時陰陽五行之說盛行，術士彼此傳述，真僞滲雜，不能決定爲何人所作也。

(九) 佛說首楞嚴三昧經及題記 圖版六—七、圖9.

此殘紙，係一九三〇年春，袁復禮先生在迪化時新疆鮑爾漢先生所贈送者。據云在吐魯番出土，詳細地址不明。高二七·八厘米、寬四二·五厘米。現存三昧經尾部，共十八行、行廿二字。尾標題『佛說首楞嚴三昧經下』，及『清信士史良奴所供養經』等字，末附題記。記云：

維太緣二季歲在丙子四月中旬令狐廣嗣於酒泉勸助爲優婆塞史良奴寫此——經頑以此福所注生寃常遇諸佛賢聖深入法藏辯末無導與諸菩薩而爲善友遊——十方捨身先生彌勒菩薩前 設法悟无生忍要值賢劫千佛心然不退於无上菩提

據題記，此經爲令狐廣嗣、代優婆塞史良奴所寫供養。首稱太緣二年，下稱歲在丙子，按北魏太武帝太延二年，歲在丙子，袁復禮先生以太緣卽太延之音誤，未知是否。審其書體，與所見六朝寫本佛經略同，如『願』作『頑』、『處』作『寃』、